

Ժողովուրդ

34
(2700)

9 մարտի հինգշաբթի 2023
տպագրության ժԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ԲԴԻՄ-Ն ՄԿՍԵՑ ԴԻՄՈՒՄՆԵՐԻ ԳՈՐԾԸՆԹԱՑԸ



ՀՀ բարձրագույն դատական խորհուրդը պատրաստվում է մի նոր գործընթացի: «Ժողովուրդ» օրաթերթին հասած տեղեկությունների համաձայն՝ այսօր ԲԴԻՄ-ն ծանուցումներ կուղարկի Հայաստանում գործող բոլոր դատարաններին՝ առաջարկելով ԲԴԻՄ դատավոր անդամի թեկնածություններ առաջարկել: Հիշեցնենք՝ «Ժողովուրդ» օրաթերթը գրել էր, որ ապրիլի 9-ին ՀՀ բարձրագույն դատական խորհրդի երկու դատավոր անդամները կլքեն իրենց պաշտոնները: Մեզ հասած տեղեկությունների համաձայն՝ 2023 թվականի ապրիլին 9-ին լրանում է Բարձրագույն դատական խորհրդի դատավոր անդամներ Սերգեյ Չիչոյանի և Անի Մխիթարյանի պաշտոնավարման ժամկետները, ուստի նրանք կհեռանան ԲԴԻՄ-ից: Նկատենք, որ Ստեփան Միքայելյանի պաշտոնավարման ժամկետը ես լրանում է ապրիլին, սակայն նա նախընտրեց ավելի շուտ դիմում գրել և հեռանալ ԲԴԻՄ անդամի բարձր պաշտոնից: Այսպիսով, ԲԴԻՄ գիտնական անդամների բոլոր թափուր տեղերն այսօրվա դրությամբ լրացված են, իսկ դատավորների համար նոր պայքարի դաշտ է բացվում:

«Ժողովուրդ» օրաթերթի տեղեկությունների համաձայն՝ հայրենի իրավապահ համակարգում ինչ-ինչ խմորումներ են ծավալվում: Դեռ Ամանորին խոսակցություններ են պատվել այն մասին, որ քաղաքական իշխանությունները դժգոհ են Հակակոռուպցիոն կոմիտեի նախագահ Սասուն Խաչատրյանի գործունեությունից, և ինքն էլ է հասցրել շատ տեղեր դժգոհել, թե հոգևել է ծանր աշխատանքից, անգամ կառավարական կաբինետում բարձրացվել է Սասուն Խաչատրյանի ազատման հարցը: «Ժողովուրդ» օրաթերթին հասած տեղեկությունների համաձայն՝ Սասուն Խաչատրյանի փոխարեն, որպես լավագույն թեկնածու, տեսել են գլխավոր դատախազի տեղակալ Արթուր Պողոսյանին, որը պրոֆեսիոնալ քննիչ է և հեռանկարային պաշտոնյա: Իրավապահ համակարգում լուրեր կան, որ Խաչատրյանը հասցրել է կարգավորել է իր գործերը քաղաքական իշխանության հետ և դեռ շարունակում է պաշտոնավարել: Որքան ժամանակ՝ ապագայում կերևա:



«Ժողովուրդ» օրաթերթը առաջին էր հայտնել, որ հունվարին ԱԺ «Քաղաքացիական պայմանագիր» խմբակցության մի խումբ պատգամավորների օգնականները, «Չեֆերի» գիտությամբ, պարզեցված են պահանջել ԱԺ նախագահից և աշխատակազմի ղեկավարից: Ինչպես գրել էինք, ստորագրահավաքը նախաձեռնել ու կառավարել են ՔՊ խմբակցության ղեկավար Հայկ Կոնջոյանը, նրա օգնականը, ՔՊ խմբակցության քարտուղար Արթուր Հովհաննիսյանը, նրանց օգնականներն ու իշխող խմբակցության փորձագետները: Ի դեպ, պատգամավորների օգնականները, ի վերջո, հասան իրենց նպատակին և ոչ միայն ստացան պարզեցվածքներ՝ հունվար ամսվանից սկսած, այլև կստանան ողջ 2023 թվականը: «Ժողովուրդ» օրաթերթի տեղեկություններով՝ ՔՊ-ականները այսքանով չեն սահմանափակվել: Պարզվում է՝ ՔՊ խմբակցության պատգամավոր Լիլիթ Մինայանը, որ առանձնապես ակտիվ չէ այս կամ այն անարդարության դեպքերին արձագանքելիս, ղեկտեմբերին դիմել է ԱԺ նախագահ Ալեն Միմոնյանին և ԱԺ աշխատակազմի նախկին ղեկավար Վահան Նարիբեկյանին և նրանցից հաշիվ է պահանջել, թե որ պատգամավորների օգնականներն են պարզեցվածք ստացել, և ինչու իր օգնականը չի ստացել: Այս դիմումի մասին նա բարձրաձայնել է նաև խմբակցության գործընկերների հետ հանդիպումների ժամանակ՝ դժգոհելով, որ ուշացրել են իր պատասխանը: Այս թեմայի շուրջ «Ժողովուրդ» օրաթերթը գրուցեց պատգամավորի հետ, որը չհերքեց մեր տեղեկությունը, որ նման դիմում է գրել, միայն արդարացած, թե 1.5 ամիս է՝ օգնական չունի, իր օգնականը դուրս է եկել աշխատանքից, ինքն էլ հիմա նոր օգնական է փնտրում: Հուսանք՝ մեր հրապարակումը կօգնի տիկին Մինայանին՝ գտնելու նոր օգնական, որը, իհարկե, ողջ 2023 թվականը կստանա պարզեցվածք:



Աշնանը սպասվող Երևանի ավազանու ընտրություններին ընդառաջ՝ «Ապրելու երկիր» կուսակցությունն ակտիվացել է ու որոշել է Մարտի 8-ի «Ապրելու երկիր» փաստացի կաշառել Երևանաբնակներին: «Ժողովուրդ» օրաթերթի տեսախցիկը մարտի 8-ին Երևանի փողոցներում ֆիքսել է «Ապրելու երկիր» կուսակցության անվանական տուփերով շրջող քաղաքացիներին: Մեր լրագրողի հետ զրույցում քաղաքացիները պատմեցին, որ Մարտի 8-ի առթիվ նվերներ են ստացել «Ապրելու երկիր» կուսակցությունից: Խնդրեցինք նրանց բացել տուփերից մեկը և պարզեցինք, որ մեջը ոչ թե բնամթերք էր, այլ կանացի շարֆիկ: Հիշեցնենք՝ նախկինում էլ Արթուր Բաղդասարյանի «Օրինաց երկիր» էր «ընտրամուրաբաններ» բաժանում քաղաքացիներին: Փաստորեն, «Ապրելու երկիր» կուսակցությունը, որ օրուգիշեր նորարարություններից, զարգացումից է խոսում, որոշել է տարբերվել ու, մենդի փոխարեն, աքսեսուարներով սիրաշահել քաղաքացիներին. գուցե ՕԵԿ-ի քաղցր մուրաբաներով ավելի դժվար է եղել քաղաքացիների սիրտը շահել: Այլ կերպ ասած, «Ապրելու երկիր» կուսակցության համահիմնադիրներ Մանե Թանդիլյանը և Մեսրոպ Առաքելյանը, որոնք մշտապես խոսում են «անկաշառ» և թափանցիկ ընտրությունների կարեւորության մասին, որոշել են հետ կանգնել իրենց սկզբունքներից:



ԹՎՔՅՈՒՆ Է

ՀԱՆՐԱՅԻՆ ԲՐԵԱԿԱՆ ՂԵՏԱՊՆԴՈՒՄ

Հ.Բ.-ն, 2009 թվականի հունվարի 26-ից մինչև 2017 թվականի դեկտեմբերի 5-ը զբաղեցնելով ՀՀ զինված ուժերի գլխավոր զորավարի պաշտոնը, 2018 թվականի մարտի 22-ից մինչև 2020 թվականի դեկտեմբերի 31-ը՝ ՀԱՊԿ միացյալ զորավարի պաշտոնը, 2017, 2018, 2019 և 2020 հայաստանագրերում բաժնեկրթ է գույքերի և եկամուտների վերաբերյալ սվյակները:

Մասնավորապես, Հ.Բ.-ն 2018 թվականի փետրվարի 26-ին Բարձրաստիճան պաշտոնատար անձանց էթիկայի հանձնաժողով (այսուհետ՝ Հանձնաժողով) է ներկայացրել հայտարարագիր, որում նշել է, որ իր անվամբ շարժական գույքեր առկա չեն, դրամական միջոցներ չունի, իսկ որպես եկամուտ հայտարարագրել է 6.43 դրամ, մինչդեռ 2017 թվականի դեկտեմբերի 5-ի դրությամբ վերջինիս անվամբ հաշվառված են եղել 102 մլն 665 հազար դրամով ձեռք բերված MERCEDES-BENZ S500L 4MATIC, MERCEDES-BENZ S450 4MATIC և VAZ 21011 մակնիշների ավտոմեքենաներ: Պաշտոնը դադարեցնելու օրվա դրությամբ նրա բանկային հաշվեհամարներին առկա է եղել տարբեր արժույթներով շուրջ 2 մլն 37 հազար 125 դրամին համարժեք գումար, բացի այդ, նշված ժամանակահատվածում Հ.Բ.-ի բանկային հաշվեհամարները եկամտի տեսքով համալրվել են շուրջ 174 մլն 358 հազար 867 դրամով:



2018 թվականի հունիսի 23-ին Հ.Բ.-ն իր անվամբ հաշվառված MERCEDES-BENZ S450 4MATIC մակնիշի ավտոմեքենան սկիզբն առնելով օտար է դասվել: Բացի այդ, 2018 թվականի ընթացքում Հ.Բ.-ի բանկային հաշվեհամարները եկամտի տեսքով համալրվել են շուրջ 28 մլն 747 հազար 168 դրամով, որում ներառված չի եղել ՀԱՊԿ-ից որպես աշխատանքի վարձատրություն ստացված գումարը:

Հ.Բ.-ն, 2020 թվականի մայիսի 19-ին ներկայացրած տարեկան հայտարարագրում նշել է, որ տվյալ տարվա սկզբում իր անվամբ հաշվառված է MERCEDES-BENZ S500 մակնիշի ավտոմեքենա, իսկ որպես եկամուտ հայտարարագրել է ՀԱՊԿ-ից որպես աշխատանքի վարձատրություն 3 մլն ՌԴ ռուբլի, մինչդեռ հայտարարագրման տարվա սկզբում Հ.Բ.-ի անվամբ հաշվառված է եղել VAZ 21011 մակնիշի ավտոմեքենա, իսկ բանկային հաշվեհամարները եկամտի տեսքով համալրվել է շուրջ 20 մլն 579 հազար 945 դրամով, որում ներառված չի եղել ՀԱՊԿ-ից որպես աշխատանքի վարձատրություն ստացված գումարը:

2021 թվականի մարտի 1-ին ներկայացրած հայտարարագրում Հ.Բ.-ն նշել է, որ իր անվամբ հաշվառված է MERCEDES-

BENZ S500 մակնիշի ավտոմեքենա, իսկ որպես եկամուտ հայտարարագրել է ՀԱՊԿ-ից որպես աշխատանքի վարձատրություն 2 մլն 940 հազար ՌԴ ռուբլի, մինչդեռ Հ.Բ.-ի անվամբ հաշվառված է եղել VAZ 21011 մակնիշի ավտոմեքենա, բացի այդ, 2020 թվականի ընթացքում մինչև պաշտոնեական պարտականությունները դադարեցնելու օրը, Հ.Բ.-ի բանկային հաշվեհամարները եկամտի տեսքով համալրվել են շուրջ 196 մլն 330 հազար 475 դրամով, որում ներառված չի եղել ՀԱՊԿ-ից որպես աշխատանքի վարձատրություն ստացված գումարը:

Դատախազի որոշմամբ՝ 2023 թվականի մարտի 6-ին Հ.Բ.-ի նկատմամբ հարուցվել է հանրային քրեական հետապնդում՝ 01.08.2003 թվականին ուժի մեջ մտած ՀՀ քրեական օրենսգրքի 314.3-րդ հոդվածի 2-րդ մասով (5 դրվագ), որը համապատասխանում է գործող ՀՀ քրեական օրենսգրքի 444-րդ հոդվածի 2-րդ մասին (հայտարարագրման ենթակա տվյալները թաքցնելը, որը հանգեցրել է գույքի և առանձնապես խոշոր չափերով եկամուտների չհայտարարագրմանը):

Հ.Բ.-ի նկատմամբ կիրառվել են համակցված այլընտրանքային խափանման միջոցներ, այդ թվում՝ բացակայելու արգելքը:

ԼՈՒՐԵՐ

ԿԱԶՄՎԵԼ Է ԱՐՁԱՆԱԳՐՈՒԹՅՈՒՆ

ՀՀ քաղաքաշինության, տեխնիկական և հրդեհային անվտանգության (ՔՏՀԱ) տեսչական մարմինը պարեկային ծառայողների հետ համատեղ մարտի 7-ին վերահսկողություն է իրականացրել «Զվարթնոց» միջազգային օդանավակայանի տարածքում տաքսամոտորային փոխադրումներ իրականացնող տրանսպորտային միջոցների նկատմամբ:

Ինչպես տեղեկացնում են ՔՏՀԱ-ի տարածած հաղորդագրությունից, տեսչական մարմնի տրանսպորտային անվտանգության վարչության մասնագետները մշտադիտարկել են 5 տրանսպորտային միջոց:

Վերահսկողության արդյունքում 5 տրանսպորտային միջոցների նկատմամբ կազմվել են վարչական իրավախախտման արձանագրություններ՝ առանց համապատասխան լիցենզիայի փոխադրումներ իրականացնելու համար:

Տեսչական մարմինը հիշեցնում է, որ վերահսկողությունը լինելու է պարբերական, և հորդորում է «Զվարթնոց» միջազգային օդանավակայանի տարածքում ուղեորափոխադրումներ իրականացնել համապատասխան լիցենզիայի առկայության դեպքում, այլապես կիրառվելու են վարչական պատասխանատվության միջոցներ՝ համաձայն Վարչական իրավախախտումների վերաբերյալ ՀՀ օրենսգրքի:

ՍՏՈՒԳՎԵԼ ԵՆ ՏԱԶՄԻՆԵՐԸ

2023 թվականի մարտի 7-ին ՀՀ քաղաքաշինության, տեխնիկական և հրդեհային անվտանգության տեսչական մարմինը պարեկային ծառայողների հետ համատեղ վերահսկողություն է իրականացրել «Զվարթնոց» միջազգային օդանավակայանի տարածքում տաքսամոտորային փոխադրումներ իրականացնող տրանսպորտային միջոցների նկատմամբ:

ՔՏՀԱ տեսչական մարմնի տրանսպորտային անվտանգության վարչության մասնագետները մշտադիտարկել են 5 տրանսպորտային միջոց:

Վերահսկողության արդյունքում 5 տրանսպորտային միջոցի նկատմամբ կազմվել է վարչական իրավախախտման արձանագրություններ՝ առանց համապատասխան լիցենզիայի փոխադրումներ իրականացնելու համար:

Տեսչական մարմինը հիշեցնում է, որ վերահսկողությունը լինելու է պարբերական, և հորդորում է «Զվարթնոց» միջազգային օդանավակայանի տարածքում ուղեորափոխադրումներ իրականացնել համապատասխան լիցենզիայի առկայության դեպքում, այլապես կիրառվելու են վարչական պատասխանատվության միջոցներ՝ համաձայն Վարչական իրավախախտումների վերաբերյալ ՀՀ օրենսգրքի:

ԼՈՒՐԵՐ

ՀԱՅՏՆԱԲԵՐԵԼ ԵՆ ԱՅՆԹԱՂ

ԳՅՈՒՂՈՒՄ

Ոստիկանության Մալաթիայի բաժնի քրեական հետախույզները մարտի 6-ին Այնթապ գյուղում հայտնաբերել են բաժին են տարել 38-ամյա Սերգեյ Ա.-ին, որը հետախույզվում էր ՀՀ նախկին քրեական օրենսգրքի 195-րդ հոդվածի (Հակամրցակցային գործունեությունը) մեղադրանքով:

Նա ներկայացվել է նախաքննական մարմին:

Խափանման միջոցը՝ բացակայելու արգելք:

ԿՆՈՋԻՑ ԳՈՒՄԱՐ ԵՆ ՀԱՓՇՏԱԿԵԼ

Մարտի 3-ի երեկոյան ոստիկանության Արտաշատի բաժնի ստացվել էր հաղորդում 42-ամյա մի կնոջից: Մարտի 1-ին նա գյուղի կանգառում նկատել էր հայտարարություն՝ «Վարկեր» սե. ցուցակում գտնվող անձանց» բովանդակությամբ: Մար-

տի 2-ին կինը զանգել էր հայտարարության մեջ նշված հեռախոսահամարին:

Հայտնել էին, որ իր խնդրած 450 հազար դրամ վարկը հաստատվել է, և պահանջել էին իրենց տրամադրած հաշվեհամարին փոխանցել 20 հազար դրամ:

Այնուհետև մարտի 3-ին նույն հեռախոսահամարից զանգել էին կնոջն ու պահանջել փոխանցել են 25 հազար դրամ: Կինն այդ անգամ էլ էր փոխանցել, ինչից հետո նրա զանգերին չէին պատասխանել: Ոստիկանությունը հորդորում է լինել ուշադիր ե գգոն, գործարքների մեջ չմտնել կասկածելի մարդկանց և կազմակերպությունների հետ:

● Ըստ ոստիկանության տվյալների՝ մարտի 6-ից 7-ը Հայաստանի Հանրապետությունում բացահայտել են հանցագործության 81 դեպք, որոնցից 6-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՔՆՆԱՐԿՈՒՄ

ՆԵՐԿԱՅԱՑՎԵԼ Է 2022Թ.-Ի ԿԱՏԱՐՈՂԱԿԱՆԸ

ՀՀ վարչապետ Նիկոլ Փաշինյանը մարտի 7-ին այցելել է Արդարադատության նախարարության քրեակատարողական ծառայություն...

Հանդիպմանը քննարկվել են օպերատիվ ստորաբաժանման նոր մոդելի ներդրման հետ կապված ծրագրերը...

ԾԱՎԱԼՆԵՐԸ ՄԵԾԱՆՈՒՄ ԵՆ

ԽՈՒՋԱՐԿՎԵԼ ԵՆ 10-ԻՑ ԱՎԵԼԻ ԲՆԱԿԱՐԱՆՆԵՐ

Աղտոհնի բնաբազմաբնակարանը, որդես մարդկության առողջության դեմ ուղղված հանցագործություն, չարիք է սանթոզ աշխարհում:

Ցավոք, ապօրինի թմրաշրջանառության ծավալները մեծանում են՝ պայմանավորված նաև տեխնոլոգիաների զարգացմամբ...



չուրթուրում է ենթակա տարածքային ստորաբաժանումներում ստացված օպերատիվ տեղեկությունների և քննչական մարմիններում...

Տպավորիչ է նաև Շիրակի պարտեզների օրերն արձանագրած բացահայտումներից մեկը...

ԱԽՏԱՆՇԱՆՆԵՐ

Ո՞Ր ԴԵՊՔԵՐՈՒՄ Է ՎՏԱՆԳԱՎՈՐ

Ցավը կրծքավանդակում կարող է կառված լինել սիթ-անոթային հիվանդությունների հետ, բայց միշտ չէ, որ այն լուրջ հիվանդության ազդանշան կարող է լինել:

Անգամ եթե կրծքավանդակում առաջ եկած ցավն ուժեղ է, այն կարող է կապված լինել այնպիսի վիճակների հետ, որոնք լուրջ սպառնալիք չեն պարունակում...

Նրանք խորհուրդ են տվել դիմել օգնության, եթե ցավը հիմա թույլ է տալիս հետո չի անցնում:

Ախտանշանները. եթե կրծքավանդակում առաջ եկած ցավը լուրջ խնդիրներ է ստեղծում, ապա հավելյալ կարող են առաջանալ՝

- հեղուկ սառը քրտինք սրտխառնոց հոգևածություն թուլություն, վատ զգացողություն խառնափնթոր գիտակցություն ձեռքերի, մեջքի, ծնոտի ցավեր:

Ինչի՞ մասին է վկայում կրծքավանդակում առաջացած ժամանակավոր անհարմարության զգացողությունը: Երբ ծակող ցավը կրծքավանդակում առաջ է

գալիս հանկարծակի է շատ կարճ է տևում (ակնթարթ), դա կարող է բացատրվել կողերի վնասվածքով կամ մկանների ձգմամբ, ինչպես նաև կրծքավանդակի բորբոքմամբ...

Կրծքավանդակի ցավ աջ կողմում. այն հաճախ կապված է թոքերի խնդիրների հետ, օրինակ՝ առաջ է գալիս թոքաբորբի կամ մեկ այլ թոքային վարակի դեպքում...

Կերակրափողի սպազմներ. գոյություն ունի խանգարում, որի դեպքում առաջ են գալիս կերակրափողի անոմալ վիճակներ...

● Անցած 1 օրվա ընթացքում Հայաստանի Հանրապետությունում արձանագրվել է 10 ՃՏՊ. 13 մարդ ստացել է տարբեր աստիճանի մարմնական վնասվածքներ:

ԼԵՓ-ԼԵՅՈՒՆ

ՄԱՐՏԻ 8-Ը՝ ԵՐԵՒԱՆՅԱՆ ԹԱՏԲՈՆՆԵՐՈՒՄ

Կանանց նվիրված ամենադասված տոնի՝ Մարտի 8-ի առթիվ բարոնները բարոնակեցին իրենց ակտիվ աշխատանքը և թե՛ կանանց, թե՛ տղամարդկանց հետաքրքիր ներկայացումներ դիտելու առիթ ընձեռեցին: Ներկայացնում ենք ստանդոլ բեմադրություններից մի ֆանիստ: Գարբիել Մունդուկյանի անվան ազգային ակադեմիական բարոնում մարտի 8-ին ցուցադրվեց Հակոբ Պարոնյանի «Մեծադասիվ մուրացկանները» երաժշտական կատարությունը: Գեղեցիկ համադրակազմում Արթուրյան աղան է՝ ամուսնանալու նպատակով Տրադիցիոնի Կուսանդունդուլիս եկած մի մեծահարուստ, որը զուրկ է հոգեկան ու մտավոր հետաքրքրություններից, անհարբե՛ր ազգի և մարդկության ճակատագրի հանդեպ: Եվ այս սահմանափակ անձնավորությանը ստասարկելու են գալիս «մեծադասիվ մուրացկանները»:



Կոնստանտին Ստանիսլավսկու անվան ռուսական պետական դրամատիկական թատրոն այցելելով թատերասերները դիտեցին Ալեքսանդր Ցագարեյի «Խանու-մա» ներկայացումը: Վաճառական Միկիչ Կոտրյանցը՝ աղքատ կոշիկակարի որդին, որը հարստություն է կուտակել է այժմ ունի սեփական գործարան ու զբաղվում է կոշիկի վաճառքով, երազում է իր դստերը՝ գեղեցկուհի Սոնային ամուսնացնել ազնվական մեկի հետ. իշխանական գիտանալի և կնիքի առկայությունը վեր է դասում սեփական դստեր երջանկությունից: Մեծ դժվարությամբ, բայց նրան հաջողվում է հարմար թեկնածու գտնել: Իշխանը թեև արդեն շատ ծեր է և ողջ հարստությունը վատնել է, բայց իսկական ազնվական է: Սոնան, սակայն, սիրում է իր ֆրանսերենի և երաժշտության ուսուցչին՝ Կոտեին: Սերը փոխադարձ է: Խանումա անունով կինը՝ քաղաքի լավագույն միջնորդը, խառնվում է նաև այս երիտասարդների գործին...

Սոնա Սարգսյանի անվան համազգային պետական թատրոնի իր հանդիսատեսին կներկայացնի «... և նորից Գարուն» բեմադրությունը, որի հիմքում աշխարհահռչակ ամերիկացի գրող Օ. Յեյթսի հինգ նովելներն են, որոնք միմյանց հերթաբար շարժման տեսանկյունից ճկուն, ակտիվ ներկայացում բեմադրել են խաղալիքով, առում է հաջատրյանը: Երեւանի պատանի հանդիսատեսի թատրոնում կցուցադրվի «Յիշի՛ր վաղվա օրը» ներկայացումը՝ ըստ Վինա Դելմարի: Այն հուզիչ պատմություն է ընտանիքի, ծնողների և զավակների հարաբերությունների մասին: Ալեքսանդր Սպենդիարյանի անվան օպերայի և բալետի ազգային ակադեմիական թատրոնում էլ ելույթ կունենա Ժողովրդական երաժշտության և պարի ազգային կենտրոն, Թաթուլ Ալթունյանի անվան երգ-պարի համույթը: Կանանց նվիրված յուրաքանչյուր տոն գեղեցիկ սեռի դերն ու նշանակությունն ընդգծելու, նրանց մեծարելու, սեր խոստովանելու առիթ է ընձեռում, և Մարտի 8-ը բացառություն չէ, սակայն այն ի սկզբանե այլ նշանակություն է ունեցել: Մարտի 8-ը տոնվել է ոչ թե գեղեցիկ սեռի, այլ հեղափոխական կանանց փառաբանելու համար: Այդ օրը այն կանանց տոն էր, որոնք ձգտում էին տղամարդկանց հետ հավասար իրավունքներ ունենալ:

Յուրաքանչյուր տոն գեղեցիկ սեռի դերն ու նշանակությունն ընդգծելու, նրանց մեծարելու, սեր խոստովանելու առիթ է ընձեռում, և Մարտի 8-ը բացառություն չէ, սակայն այն ի սկզբանե այլ նշանակություն է ունեցել: Մարտի 8-ը տոնվել է ոչ թե գեղեցիկ սեռի, այլ հեղափոխական կանանց փառաբանելու համար: Այդ օրը այն կանանց տոն էր, որոնք ձգտում էին տղամարդկանց հետ հավասար իրավունքներ ունենալ:

ԼՈՒՐԵՐ

ՀՈՒՅՍ Է ՀԱՅՏՆԵԼ

Հայաստանի հավաքականի նախկին խաղացող Արաս Օզբիլիսը հույս է հայտնել, որ Մոսկվայի «Դինամոյի» եւ Ռուսաստանի հավաքականի 19-ամյա կիսապաշտպան Արսեն Զախարյանն ապագայում կխաղա Հայաստանի հավաքականում:

«Կցանկանալի, որ Արսեն Զախարյանը ներկայացնելու Հայաստանի հավաքականը: Գլխավորն այն է, որ նա սրտանց ցանկանա ներկայացնել մեր երկիրը: Եթե դա տեղի ունենա, Արսենը վստահաբար որակ կտա մեր հավաքականին:

Իհարկե, Զախարյանը եւ Սպենդյանը հեռու են Մխթարյանից: Նա միակն է այդպիսին: Ուրախ կլինեմ, եթե Արսենն ու Էդուարդը հասնեն հայկական ֆուտբոլի լեգենդի մակարդակին:

Ուրախ եմ, որ Նաիր Տիկնիզյանը դարձավ Հայաստանի հավաքականի խաղացող: Նա հանդես է գալիս առաջատար ռուսական ակումբներից մեկում՝ Մոսկվայի «Լոկոմոտիվում»: Կարծում եմ նա կօգնի մեր երկրին եւ մեր ազգային թիմին», - ասել է Արաս Օզբիլիսը:

«Լոկոմոտիվի» 23-ամյա պաշտպան Նաիր Տիկնիզյանն առաջին անգամ է հրավիրվել Հայաստանի հավաքական եւ կարող է նորամուտը նշել Թուրքիայի դեմ «Եվրո-2024»-ի ընտրական խաղում, որը տեղի կունենա մարտի 25-ին Երեւանում:

32-ամյա Օզբիլիսն (մարտի 9-ին կդառնա 33 տարեկան) այժմ ներկայացնում է Երեւանի «Ուրարտուն»: Նա կարիերան սկսել է Ամստերդամի «Այաքսի» կազմում, հանդես է ելել նաև Մոսկվայի «Սպարտակում», Կրասնոդարի «Կուբանում», իսպանական «Ռայո Վալեկանոյում», թուրքական «Բեշիքթաշում», Տիրասպոլի «Շերիֆում», Երեւանի «Փյունիկում»:

ՉԱՎԻՆ ԱՐԺԱՆԻ Է

Իսպանիայի փոխչեմպիոն «Բարսելոնայի» նախագահ Ժոան Լապորտան ցանկանում է նոր պայմանագիր կնքել թիմի իսպանացի գլխավոր մարզիչ Չավիի հետ:

«Ես կարծում եմ Չավին արժանի է երկարաժամկետ պայմանագրի: Նա ցանկանում է նոր պայմանագիր կնքել, եթե նվաճի Իսպանիայի չեմպիոնի տիտղոսը: Բայց ես կարծում եմ, որ արդեն հիմա կարելի էր երկարաձգել նրա պայմանագիրը», - ասել է Լապորտայը:

Չավիի գործող պայմանագիրը նախատեսված է մինչև 2024թ. հունիս:

Իսպանիայի առաջնության 24 տուրից հետո «Բարսելոնան» 62 միավորով գլխավորում է մրցաշարային աղյուսակը եւ 9 միավոր առաջ է երկրորդ տեղում գտնվող Մադրիդի «Ռեալից»:

ԼՈՒՍԱՆԿԱՐ

ՔՆՆԱԴԱՏԵԼ ԵՆ ՉՇՊԱՐՎԵԼՈՒ ՀԱՄԱՐ

Մոդել, գործարար և ռեալիթի հեռուստասառչ Քիմ Կարդաշյանը սելֆի է հրադարակել առանց դիմադարձման և վարսահարդարման: Նա կարգը հրադարակել է «Ինսագրամ» սոցիալական ցանցի իր էջում:



Gabbana բուտիկում, այնուհետև նորաձեւության տան ցուցադրությանը, հետո՝ նորաձեւության շաբաթվա շրջանակներում բրենդի մասնավոր երեկույթին: Նա ներկայացել էր ապրանքանիշի արխիվային կիպ զգեստով:

● Մարտի 10-ին Կոմիտասի անվան կամերային երաժշտության տանը տեղի կունենա համերգ «Միքայել Թարիվերդիեւ. սպասում»: Տոմսերի արժեքը՝ 1000- 3000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Եթե ֆաղաֆաղին ունի հաճախողություն կարգ է տեղի հիվանդանոց, այդ դեպքում ի՞նչ բժշկական օգնություններից կարող է օգտվել նա: Առանձին-առանձին խնդրում եմ գրել՝ որ կարգի դեպքում որ բուժօգնությունից կարող է օգտվել:

Հենրիկ Արուսյան (70 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ հաշմանդամություն ունեցող անձինք ունեն հետևյալ իրավունքներն ու արտոնությունները.

1. ընդգրկված են ՀՀ կառավարության՝ 04.03.2004 թ. «Պետության կողմից երաշխավորված անվճար եւ արտոնյալ պայմաններով բժշկական օգնության եւ սպասարկման մասին» թիվ 318-Ն որոշման հավելված 1-ով հաստատված բնակչության սոցիալապես անապահով ու առանձին (հատուկ) խմբերի ցանկում եւ կարող են օգտվել սահմանված՝ անվճար եւ արտոնյալ պայմաններով բժշկական օգնություն եւ սպասարկում ստանալու արտոնություններից:

2. Ընդգրկված են ՀՀ կառավարության՝ 30.05.2019 թ. N642-Ն որոշմամբ հաստատված անվճար եւ արտոնյալ պայմաններով դեղեր ձեռք բերելու իրավունք ունեցող բնակչության սոցիալական խմբերի ցանկում, օգտվում են անվճար դեղեր ձեռք բերելու արտոնությունից: 3-րդ խմբի հաշմանդամություն ունեցող անձինք կարող են օգտվել անվճար դեղեր ձեռք բերելու արտոնությունից՝ 50% զեղչով, եթե չեն օգտվում ավելի արտոնյալ պայմաններով դեղորայք ստանալու իրավունքից («Հաշմանդամների սոցիալական պաշտպանության մասին» ՀՀ օրենքի հոդված 11-ի դրույթներով սահմանված):

3. Հաշմանդամություն ունեցող անձի վերականգնողական անհատական ծրագրի (ՎԱԾ) կամ ծառայությունների անհատական ծրագրի (ԾԱԾ) հիման վրա աջակցող միջոցներ /պրոթեզներ, օրթեզներ, հենակներ, սայլակներ, քայլակներ, լսողական սարքեր, ձայնաստեղծ սարքեր, աչքի պրոթեզներ եւ այլն/ ստանալու իրավունք՝ համաձայն ՀՀ կառավարության 2015 թվականի սեպտեմբերի 10-ի N 1035-Ն որոշման:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Իսկ ավելի մանրամասն բժշկական մասնագիտական տեղեկատվություն ստանալու համար դիմումատուն կարող է դիմել ՀՀ առողջապահության նախարարություն:

ՀԱՍԱՐԱԿՈՒԹՅՈՒՆ

ՀԱՐՑ. Ի՞նչ տուգանք է սահմանված աշխատողների, նրանց վճարվող աշխատանքի վարձատրությանն ուղղված միջոցների մասին ՏԵՂԵԿՈՒՅՈՒՆԸ չհերկայացնելու դեպքում, եթե գործատուն սոցիալական վճարներ չի կատարում: Հովհաննես Հունանյան (50 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ «Պարտադիր սոցիալական ապահովության վճարների մասին» ՀՀ օրենքի 6-րդ հոդվածի 4-րդ մասի, ինչպես նաեւ ՀՀ ԿԱ ՀՀՊԾ պետի՝ 30 մայիսի 2005թ. «Պարտադիր սոցիալական ապահովության վճարների հաշվարկման եւ վճարման կարգի մասին» հրահանգը հաստատելու մասին» հրամանի հաստատված հրահանգի 23-րդ կետի դրույթներով՝ եթե օրենքներով եւ ՀՀ միջազգային պայմանագրերով սոցիալական վճարները հաշվարկելու եւ պետական բյուջե փոխանցելու պարտականությունը դրված է վարձու աշխատողների վրա, այս դեպքում գործատուն պարտավոր է մինչեւ եռամսյակին հաջորդող ամսվա 20-ը (ներառյալ) հարկային մարմին վերը նշված հրահանգի հավելված 2-ով սահմանված ձեւով տեղեկություններ հայտնել վարձու աշխատողների, նրանց վճարվող աշխատանքի վարձատրությանն ուղղված միջոցների եւ դրանց հավասարեցված եկամուտների մասին:

Այդ պահանջը խախտելու համար գործատուն վճարում է տուգանք՝ լիազորված մարմին չներկայացրած յուրաքանչյուր տեղեկության համար 25.000 դրամի չափով:

ՀՀ պետական եկամուտների կոմիտե

«ԺՈՂՎՈՒՐԳ». Նշենք, որ աշխատողի՝ աշխատանքի ընդունումը ՀՀ օրենսդրությամբ սահմանված կարգով գրավոր չձեռագրվելու (այսինքն՝ աշխատանքի ընդունման մասին գրավոր հրամանի եւ գրավոր պայմանագրի բացակայության) փաստը ՀՀ կառավարության սահմանած կարգով արձանագրելու դեպքում գործատուն տվյալ ամսում յուրաքանչյուր չձեռագրված աշխատողի համար հաշվարկում եւ վճարում է պարտադիր սոցիալական ապահովության վճար՝ 150.000 դրամի չափով, եթե չձեռագրված վարձու աշխատողների թվաքանակը չորսից վեց է:

ԼՈՒՐ ԿԱԴՐ

Լուսանկարն արվել է Արարատ քաղաքի ճանապարհին



Ահա այսպիսի տեսարանի կարելի է ականատես լինել մարտի 8-ին: Ի՞նչ իմանանք, գուցե ներսում անակնկալներ են:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for 'no cash'.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Արուսյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 8.03.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: